



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memorïæ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

Dirckinck, Johann

Coloniae Agrippinae, 1713

17, Pondus ignis symbolum quintum æternitatis.

[urn:nbn:de:hbz:466:1-50597](https://nbn-resolving.org/urn:nbn:de:hbz:466:1-50597)

CONSIDERATIO XVII.

V. Symbolum æternitatis.

Pondus ignis.

*Pondera mihi pondus ignis. L. 4.**Esdrae c. 4. 5.*

18. Februarii.

I. **P**ondera mihi pondus ignis. l. c. Et pondus æternitatis sive felicitis, sive infelicitis. Quale autem est hoc pondus? Hoc nimirum: Et tu, mi homo, & omnis Christianus, apud se, super omnia, certissimum habere debet, quod à Conditore suo, ad æternitatem creatus & ordinatus sit: quæ cum sit duplex, una misera, altera beata; in harum alterutra, necessario, & inevitabiliter homini habitandum & demorandum est. Et hoc est pondus, mortalium humeris incumbens.

II. Pondera hoc pondus, in omnibus actionibus & negotiis tuis, ô homo! Interim quidquid tibi placet, in hac vita age, utere bene, abutere malè libertate tuâ, & hujus sæculi bonis: tandem tamen hæc omnia temporalia transibunt, succe-

136 *Domus aeternitatis. Consideratio*
succeedent autem aeterna & aeternitas, re-
sponsura his, quæ egisti in corpore &
tempore, sive bona, sive mala; responsu-
ra, inquam, vel ut præmia operum bo-
norum, vel ut pravorum facinorum sup-
plicia, aeternitate admetienda. Et hoc est
pondus decreti Dei justissimi, quod Mun-
di asseclas velut pondus ingens gravat,
velut ignis urit & cruciat. Dei verò filios
elevat, recreat & in bonum inclinat.

III. O mundi amator! pondera nunc
mihi vel potius tibi, hoc pondus ignis.
Dictæ aeternitatis alterutra portio, tibi
irrefragabiliter est obventura, cujus ne-
cessariæ obventioni, te necesse est omni-
no, tuâmet propriâ voluntate, & volun-
tatis spontaneâ operatione præparari at-
que adaptari: hæc autem adaptatio ac
præparatio, in hac tantum vita, & non in
altera, abs te est peragenda. Post hanc
verò vitam exactam, juxta præsentis vitæ,
adaptationisque qualitatem, aeternitas ti-
bi, sive bona, sive mala, in præmium, vel
supplicium indubitanter & immutabili-
ter est obventura, teque sinu suo inelu-
tabili complexura & conclusura.

Petr

Petitio.

O Domine! quàm onus est leve, æternitas beata! quàm pondus est grave, æternitas damnata! desidero utramque mecum crebriùs ponderare: sed deest statera, deest intellectus, ad tantas abyssos penetrandas. *Quis intrabit sanctuarium tuum ad considerandas potentias tuas: nisi tu aperias? Quis autem aperiet si tu clauseris? Domine Deus noster nos lutum & vermiculi, non valemus in tuas æternitates intrare, nisi tu induxeris, qui de nihilo cuncta creasti. S. Aug. Solil. c. 23.* Adjuva me, ut hoc pondus bene ponderem, mèque ita adaptem ac præparem; ut pondus grave ignis inextinguibilis excutiam, & æternum gloriæ pondus obtineam.

19. Februarii.

I. D Einde pondera mihi pondus ignis, & in una lance colloca ignem concupiscentiæ mundanæ & carnalis amoris, cum omnibus ejus objectis ac pabulis; in alterâ verò ignem cœlestis amoris, cum omnibus ejus objectis & escis: videbísque

138 *Domus eternitatis. Consideratio*
bisque illa attolli ut plumulam, hæc vero
subsistere & maximè præponderare. Pon-
dera enim pondus ignis, id est flagrantis,
in omnibus cœli incolis, charitatis. Pon-
dera pondus ignis, amoris infiniti, quo
Pater & Filius & Spiritus sanctus mutuò
inter se ardent, & ardebunt in æternum.
Pondera pondus ignis amoris mutui, in
corde JESU, & MARIÆ, omnium-
que Sanctorum dulcissimè flagrantis &
flagraturi in perpetuum. O ignis, quàm
fortiter ardes, quàm suaviter lucēs!

II. *Pondera* ulterius, *pondus ignis*, &
suavissimi amoris in cœlo quo sancti Epi-
scopi, Pastores & animarum zelatores,
eorundemque oviculæ, per eos ad cau-
lam cœlestem adductæ; quo Parentes &
Fili; Fratres & Sorores, cognati & ami-
ci, commembra ejusdem statûs, ordinis,
civitatis, patriæ, familiæ, mutuò inter se
inardescunt; sibi gratulantur, applau-
dunt, exultant, jubillant; nec cessabunt
in perpetuum! O leve! ô suave onus cœ-
lestis amoris!

III. *Pondera* denique *pondus ignis* visio-
nis & amoris beatifici & gloriæ cœlestis

Bea-

Beatorum, quod *aeternum gloriae pondus* nuncupat Apostolus. Sed & pondera alia bona aeterna, quae ex visione Dei scaturiunt: scilicet pondus laetitiae & exultationis; pondus gaudiorum, deliciarum, voluptatum, recreationum caelestis paradisi; pondus honoris, decoris, splendoris, majestatis, potestatis, & coronae radiantis in Electorum vertice. Sed pondera haec omnia, non staterâ dolosâ, & iniquâ; sed staterâ & pondere sanctuarium; atque ad oculum cernes, omnia mundi gaudia, delicias voluptates, honores, nihil esse nisi quisquiliâs, paleas & festucas.

Suspiria amorosa.

O Pondus ignis amoris & visionis beatificae! quando illuminabor à te? quando succendar à te? O pondus ignis amoris divini, quando recreabor à te? O pondus amoris, Angelici, Cherubici, Seraphici, Mariani, Theandrici, quando experiar te, in beata aeternitate? *Amor meus pondus meum, illo feror, quocumque feror.* O pondus! quod nullâ
mente

140 *Domus eternitatis. Consideratio*
mente concipi, nullis verbis à nobis ex-
plicari potest. *Quidquid vis dicas de eter-*
nitate, quia quidquid dixeris, minus dicis,
S. Aug. in Plal. 60.

20. Februarii.

I. **D**Enique pondera mihi pondus ignis, &
onus damnatæ æternitatis intole-
rabile, atque ex altera parte plumulam
rei terrenæ: & amentiam mortalium,
propter hanc, illud humeris suis impo-
nentium, obstupesces. *Pondera mihi igi-*
tur pondus ignis infernalis & flammaram
crepitantium; pondus catenarum igni-
tarum, stridentium atque stringentium;
pondera venenum aspidum & fel draco-
num; pondera picem, sulphur, vermem,
& reliquum tormentorum pondus im-
portabile.

II. *Pondera mihi quoque pondus ignis,*
iræ, odii, furoris & vindictæ cacodæmo-
num, in homines damnatos, tanquam
carnificum in reos, aut velut Tyranno-
rum in perduelles subditos; ac vicissim
horum in suos tortores. Pondera etiam
pondus ignis & flammaram iræ, odii,
furo-

furore ac vindictæ mutæ, inter damnatos; inter maritos & uxores; inter parentes & filios; inter Dominos & subditos; inter seductores & seductos; inter scandalizantes & scandalizatos, atque inter omnes quotquot sibi invicem damnationis extitêre authores.

III. Atque ubi hæc rite ponderaveris, obstupesce & deplora cæcitatem mortaliæ, pro auri, argenti que bractea, pro voluptatis carnalis aut evanidi honoris uncia, grande hoc tormentorum æternorum pondus humeris suis injicientium, nunquam excutiendum.

Affectus horroris.

O Pondus ignis infernalis omni ætâ gravius, omni pondere intolerabilius! Quis te considerans, non tremat & expavescat? Hoc est pondus ignis inextinguibilis, semper urentis, nunquam comburentis: hoc est pondus durissimum, miseros damnatos semper pre-mens, nunquam opprimens. Hoc pondus tibi quoque imminet, ô peccator! nisi resipiscas, & dignos pœnitentiæ fructus

142 *Domus eternitatis. Consideratio*
fructus facias. Si sapias. Miserere anima
tua. Eccli. c. 30. 22.

CONSIDERATIO XVIII.

Alia symbola æternitatis.

In eternum manet. Psal. 32, 11.

21. *Februarii.*

SEgniùs irritant animos, demissa per
aures: Quàm quæ sunt oculis sub-
jecta fidelibus. Quare denuò penicillum
arripiamus, & quemadmodum varia jam
symbola adumbravimus, ita & alia hie-
roglyphica adjiciamus. Sed quænam?
Suggerit illa celebris S. Scripturæ inter-
pres Cornelius à Lapide in Epist. ad
Rom. c. 6. Atque interrogat:

I. Quid est æternitas? Est *circulus*, cu-
jus centrum est semper, circumferentia
nunquam: quia nunquam, nullòve tem-
pore claudi potest aut terminari. Si epi-
graphen addere cupias, adscribe. *Ma-
gnus est & non habet finem.* Baruch c. 3, 26.

II. Quid est æternitas? Est *orbis*, ubi-
que rotundus, sui que similis, qui nul-
quam, incipit, nusquam desinit, prin-
cipio